

Vorrede.

Begin der Welt / jederzeit mit warhafftigen schönen Zeugnissen vnd Sprüchen bewehret vnd genugsamlich beygebracht worden. Vnd damit ich zu dessen mehreren beweisung / von Mose dem allerältesten Propheten vnter den Hebreern / Act. 7. v. 21. 22. (welcher von jugend auff in aller weißheit der Egypter gelehret / auch mächtig in Werck vnd Worten ware) den anfang mache / so ist aus desselbigen ersten Buch / (welches von der erschaffung aller sichtbaren Creaturen Gottes handeln thut /) zu end des ersten Capitels kund vnd offenbar / daß Gott selbs zu Adam dem ersten Menschen / vnd den vbrigen thieren also gesprochen habe: Sihe / Ich gebe euch allerley Kraut / daß sich besamet auff der ganzen Erden / vnd allerley fruchtbare Bäume / vnd Bäume die sich besamen zu ewerer Speise / vnd aller Thiere auff Erden / vnd allen Vögeln vnter dem Himmel / vnd allem Gewürm das da lebet auff Erden / daß sie allerley grün Kraut essen.

Dieses warhafftigen Propheten meinung bestätiget Jesus der Sohn Syrachs (welcher ein Mann vnter den Hebreern mit fürtrefflicher Gottseligkeit vnd fürsichtigkeit / sampt vieler sachen

chen